

Silaannakkut angallannermut aalajangersakkat

BL 1-23

Inuiaassuseq aamma meqqit nalunaaqutsersuutit il. il. pillugit silaannakkut angallatinut aalajangersakkat

Saqqummersitaq 2, 5. maj 2025

Silaannakkut agallanneq pillugu inatsimmi § 21, imm. 4 aamma 149, imm. 10, tak. inatsimmut nalunaarut nr. 118, 31. januar 2024-meersoq, kingullermik allannngortinneqartoq inatsisikkut nr. 1474, 10. december 2024-meersukkut, silaannakkut angallanneq pillugu inatsisip Savalimmiunut atuutilersinneqarnissaa peqqussummi § 153, tak. peqqussummut nalunaarut nr. 141, 6. februar 2024-meersoq, aamma silaannakkut angallanneq pillugu Kalaallit Nunaannut inatsimmi § 153, tak. inatsimmut nalunaarut nr. 76, 24. januar 2024-meersoq, malillugit Trafikstyrelsenip suliasai aamma piginnaatitaaneri, maalaaruteqarsinnaaneq aamma Trafikstyrelsenip maleruaqqusaata ilaanik saqqummiussineq pillugit nalunaarummi nr. 34, 15. januar 2025-meersumi § 6, imm. 1 naapertorlugu piginnaatitsineq, Trafikstyrelsenip suliasai aamma piginnaatitaaneri, maalaaruteqarsinnaaneq aamma Trafikstyrelsenip silaannkkut angallannermut maleruaqqusaata ilaanik saqqummiussineq pillugit Savalimmiunut nalunaarummi nr. 1619, 8. december 2023-meersumi § 3, imm. 1, aamma Trafikstyrelsenip suliasai aamma piginnaatitaaneri, maalaaruteqarsinnaaneq aamma Trafikstyrelsenip silaannakkut angallannermut maleruaqqusaata ilaanik saqqummiussineq pillugit Kalaallit Nunaannut nalunaarummi nr. 1126, 25. oktober 2024-meersumi § 3, imm. 1, malillugit aalajangersarneqarpoq:

1. Allakkat innersuussutit

- 1.1. BL 9-6, Timmisartut oqitsuaqqat pillugit aalajangersakkat, saqqummersitaq 5., 2. juni 2008-meersoq.
- 1.2. BL 9-12, gyroplan-it oqitsuaqqat pillugit aalajangersakkat, saqqummersitaq 1., 15. maj 1995-imeersoq.
- 1.3. ICAO Annex 7, Aircraft Nationality and Registration Marks, Sixth Edition (Saqqummersitat arferngat), July 2012-imeersoq.
- 1.4. Allagaatit, imm. 1.1. - 1.2.-mi taaneqartut, Retsinformation-ip nittartagaaniipput www.retsinfo.dk aamma Trafikstyrelsen-ip nittartagaani www.trafikstyrelsen.dk.
- 1.5. Allagaateq, imm. 1.3.-mi taaneqartoq, Trafikstyrelsen-ip e-mailianut info@trafikstyrelsen.dk-mut saaffiginninnikkut pissarsiarineqarsinnaapput.

2. Atuuffii

- 2.1. Una BL silaannakkut angallatinut tamanut atuuppoq, danskit Nationalitetsregister-ianni nalunaarsorneqartussanut imaluunniit nalunaarsorsimasunut.
- 2.2. Ilusilersuineq aamma inissiineq il. il. pillugit uani BL-mi aalajangersakkat, BL 9-6 aamma BL 9-12 naapertorlugit timmisartunut oqitsunnguanut aamma gyroplan-inut oqitsunnguanut tunniunneqartut, inuiaassutsimut aamma suussutsimut taaguutitut aamma suussutsip normuinut atuupput. Tamatuma saniatigut suussutsimut plade pillugu uuma BL-ip timmisartunut oqitsunnguanut aamma gyroplan-inut piumasaqaatai atuupput.
- 2.3. BL silaannakkut angallatinut inuttaqanngitsunut atuutinngilaq.

3. Nassuiaatit

1. *Balloni*. Silaannakkut angallat nukimmik ingerlateqanngitsoq, silaannarmut oqinnerusoq.
2. *Ilanngussaq I-silaannakkut angallatit*. Silaannakkut angallat, inuinnarnut silaannakkut angallannermut malittarisassat ataatsimoorussat pillugit aamma Den Europæiske Unions Luftfartssikkerhedsagentur pilersinneqarnera pillugu peqqussummi (EU) nr. 2018/1139, 4. juli 2018-imeersumi artikeli 2, imm. 3 malillugu, peqqussummi ilaatinneqanngitsoq aammalu taamaalilluni nunami aalajangersaaffigineqartoq. Peqqussummut taaneqartumut inissiinnermut piumasaqaatit ilanngussaq I-mi allaqqapput, tassaasumi Ilanngussaq I-silaannakkut angallat.
3. *Gyroplani*. Silaannakkut angallat, silaannarmiit oqimaannerusoq, aamma kaavittup imaluunniit kaavittut arlallit, kaaviffinni napparissuni kaavittut, atorlugit silaannaap ingerlanerani timminermut iluaquteqartoq.
4. *Qulimiguulik*. Silaannakkut angallat, silaannarmiit oqimaannerusoq, aamma kaavittup imaluunniit kaavittut motoorimit kaavittut arlallit, kaaviffinni napparissuni kaavittut, annerusumik atorlugit silaannaap ingerlanerani timminermut iluaquteqartoq.
5. *Oqaluttuarisaanermut isumaa*. Silaannakkut angallat, sananeqarnera siullesq ulloq 1. januar 1955 sioqqullugu ilusilersugaasoq, aamma sanaartorneqarnera ulloq 1. januar 1975 sioqqullugu unitsinneqarsimasooq, imaluunniit silaannakkut angallatit erseqqissumik oqaluttuarisaanermut isumaqartut, oqaluttuarisaanermut tunngatillugu pisumut pingaarutilimmut peqataanermut attuumassuteqartut, silaannakkut angallannerup ineriartornerani alloriarnermut pingaarutilimmut, imaluunniit sakkutooqarnikkut pingaarutilimmik atuuffeqartut, tak. peqqussut nr. 2018/1139, ilanngussaq I, imm. 1, litra (a)(i) aamma (ii).
6. *Suussutsip normua*. Gyroplan-inik oqitsunnguanik nalunaarsuinerit, peqatigiiffimmit tamatumunnga akuerisaasumit tunniunneqartut timmisartornissamut akuersissummik atulersitsineri, tak. BL 9-12.
7. *Silaannakkut angallat*. Maskiinaq, silaannarmi silaannaap ingerlanerani ikorfartorneqarsinnaasoq, ilanngunnagu silaannaq nunarsuup qaavata tungaanut ingerlasooq.
8. *Silaannakkut angallat silaannarmut oqinneq*. Silaannakkut angallat, silaannaap nukiinik aerostatiskiusunik annerusumik silaannarmiitinneqartoq.
9. *Silaannakkut angallat silaannarmut oqimaanneq*. Silaannakkut angallat, timminerp nalaani annerusumik nukinnik aerodynamiskiusunik qangatatinneqartoq.

10. *Luftskib.* Silaannakut angallat nukimmik ingerlateqartoq, silaannarmit oqinnerusoq.
11. *Inuiaassusermut nalunaarsuiffik.* Silaannakkut angallatit allattorsimaffiat, Trafikstyrelsenimit ingerlanneqartoq.
12. *Nuna tamakkerlugu timmisinnaanermut akuersissut.* Danskit timminissamut akuersissutaa piujuartoq, luftdygtighedsbevis-imut assingusoq, aammalu taamaallaat danskit oqartussaaffigisaanni pisinnaatitsisoq.
13. *Inuiaassutsimut aamma suussutsimut taaguutit.* Timmisartunut oqitsunnguanik nalunaarsuinerit, peqatigiiffimmit tamatumunnga akuerisaasumit tunniunneqartut timmisartornissamut akuersissummik atulersitsineri, aammalu piumasaqaatinik BL 9-6-imi nassuiarneqartunik tamatigut naammassinnittussamit.
14. *Isikkoq/qalipanneq original-eq assigneqanngitsoq.* Taanna qalipanneq, tassunga ilagitillugu qalipaata taanna, allapalaakkat taakku, meqqi taanna, annertussuseq taanna, inissiineq taanna il. il. silaannakkut angallatip atugai oqaluattuarisaanikkut pisumi.

4. Inuiaassutsimut aamma nalunaarsuinermit meqqit

- 4.1. Silaannakkut angallatini inuiaassutsimut aamma nalunaarsuinermit meqqit naqinnerit angisuut eqimattat atorlugit allassimassapput.
- 4.2. Inuiaassutsimut meqqi, nalunaarsuinermit meqqip siuanut inissinneqartoq, naqinnernik OY-mik allaqqassaaq. Inuiaassutsimut meqqip aamma nalunaarsuinermit meqqip akornanni kittoraateeraq inissinneqassaaq.
- 4.3. Nalunaarsuinermit meqqi Trafikstyrelsenimit tunniunneqassaaq.

4.3.1. Nalunaarsuinermit meqqip silaannakkut angallat ilagissavaa, danskit Inuiaassusermut nalunaarsuiffianniit piiarneqarnissaata tungaanut. Silaannakkut angallat Inuiaassusermut nalunaarsuiffimmi nalunaarsorneqaqqissappat, silaannakkut angallatip siornatigut nalunaarsuinermit meqquerisimasaa tunniunneqassaaq, taamaattoq tak. imm. 4.3.2.

4.3.2. Silaannakkut angallammiit nalunaarsuinermit meqqi, Inuiaassusermut aamma Pisinnaatitaaffimmut nalunaarsuiffinni minnerpaamik ukioq ataaseq piiarneqarsimalersoq, silaannakkut angallammi allami, silaannakkut angallammut piiarneqarsimasumut piginnittuusutut nalunaarsorneqarsimasup kingulliup pigisaani ateqqinneqarsinnaavoq.

4.3.3. Imm. 4.3.2. malillugu nalunaarsuinermit meqqimik tunniussineri silaannakkut angallat silaannakkut angallatitut danskit Inuiaassusermut nalunaarsuiffianni siullerpaamik nalunaarsorneqartussatut isigineqassaaq.

5. Inuiaassutsimut aamma nalunaarsuinermit meqqit inissinneqarneri

- 5.1. Inuiaassutsimut aamma nalunaarsuinermit meqqit silaannakkut angallammut qalipanneqassapput imaluunniit allatut ikkullugit, attartussutsimik assingusumik isumannaarisumik.
- 5.2. Inuiaassutsimut aamma nalunaarsuinermit meqqit eqqiluutsuutinneqassapput aamma qaqugukkulluunniit takuneqarsinnaassapput.
- 5.3. **Silaannakkut angallatit silaannarmiit oqinnerit**

Inuiaassutsimut aamma nalunaarsuinermit meqqit illuttut saneraaniit aamma nunamiit takuneqarsinnaassapput.

5.3.1. Luftskibet

- 5.3.1.1. Inuiaassutsimut aamma nalunaarsuinermit meqqit timaanut imaluunniit paperuaanut inissinneqassapput.
- 5.3.1.2. Inuiaassutsimut aamma nalunaarsuinermit meqqit timitaaanut inissinneqarpata, illuttut timiaani takissusaasa sammiveqataanut inissinneqassapput aamma qaarpiaani symmetrilinje malillugu.
- 5.3.1.3. Inuiaassutsimut aamma nalunaarsuinermit meqqit paperuaanut inissinneqarpata, qaavanut nalerimasunut aamma makittarissunut inissinneqassapput.
- 5.3.1.4. Inuiaassutsimut aamma nalunaarsuinermit meqqit paperuaata qaavani nalerimasumi qaap qullerpaausup affaata talerpiata tungaani aamma ataani affaata saamiata tungaani meqqit qulaa tungai luftskibip qingaata tungaanut inissinneqassapput.
- 5.3.1.5. Inuiaassutsimut aamma nalunaarsuinermit meqqit paperuaata qaavani makittarissumi inissinneqassapput paperuaata allerpaavani illuttut naqinnerit nalerisimatillugit inissinneqarlutik.

5.3.2. Ballonit

- 5.3.2.1. Inuiaassutsimut aamma nalunaarsuinermit meqqit diametralimik akilerisillugit sumiiffinni marlunni inissinneqassapput. Ballonip nerutunerpaaffiata nalerisimasup eqqaanut inissinneqassapput.
- 5.3.2.2. Inuiaassutsimut aamma nalunaarsuinermit meqqit makittarissumik inissinneqarpata, ballonip nerutunerpaaffiata nalerisimasup ataanut inissinneqassapput inuiaassutsimut meqqi qulaanerliutillugu.

5.4. Silaannakkut angallatit silaannarmiit oqimaannerit

- 5.4.1.** Inuiaassutsimut aamma nalunaarsuinermit meqqit sulunut aamma fuselage/halebom-imut imaluunniit sulunnut aamma halefladenut/motorit matuinut makittarissunut pisuni, fuselagep tunuatungaani motorit inissinneqarsimatillugit.

- 5.4.1.1. Gyroplanini aamma qulimiguulinni inuiaassutsimut aamma nalunaarsuinermit meqqit aamma fuselagep ataatungaani inissinneqassapput.

- 5.4.2.** Inuiaassutsimut aamma nalunaarsuinermit meqqit suluisa ataatungaanni ataasiartumik inissinneqassapput. Meqqit suluisa saamiatungaata affaata ataani inissinneqassapput, imaassimanngippat taakkua ataatungaa tamakkerat. Periarfissaappat, meqqit suluisa saavata aamma tunuata killinginut ungaseqatigiissillugit inissinneqassapput, aamma meqqit qulaatungai suluisa saavata killingata tungaanut sammitinneqassapput.

- 5.4.3.** Inuiaassutsimut aamma nalunaarsuinermit meqqit suluisa aamma papeqqup qaavata akornanni fuselaget saneraanni, halebommemi illuttut nalerisimatillugit imaluunniit motoorit matuinut inissinneqassapput.

5.4.4. Halefladeni makittarissuni inuiaassutsimut aamma nalunaarsuinnermut meqqit nalerisimatillugit aamma sapinngisamik qullasinnerpaamik inissinneqassapput.

5.4.4.1. Inuiaassutsimut aamma nalunaarsuinnermut meqqit haleflademi makittarissumi ataatsimi inissinneqarpata, meqqit halefladep saneraani illuttut inissinneqassapput.

5.4.4.2. Inuiaassutsimut aamma nalunaarsuinnermut meqqit halefladeni makittarissuni arlalinni inissinneqarpata, meqqit halefladet avasinnerpaartaasa qaavinut inissinneqassapput.

5.4.5. Gyroplanini aamma qulimiguulinni fuselagep ataani inuiaassutsimut aamma nalunaarsuinnermut meqqit symmetrilinjemi inissinneqassapput meqqit qullerpaartaat fuselagep nuuata tungaanoortilugit.

6. Inuiaassutsimut aamma nalunaarsuinnermut meqqit angissusaat

6.1. Meqqini eqimattani ataasiakkaani naqinnerit assigiimmik portussuseqassapput.

6.2. Silaannakkut angallatip ilusilersugaanerata imaluunniit immikkuualuttuisa imm. 6.4, imm. 6.5.1 aamma imm. 6.5.2 allassimasutut inuiaassutsimut aamma nalunaarsuinnermut meqqit angissusissaannut minnerpaaffissatut piumasaqaatit naammassineqarnissaat periarfissaatinngippassuk, meqqit sapinngisamik annerpaaffimminiitinneqassapput.

6.3. Silaannakkut angallatini, nunami timminissamut akuersissut atorlugu ingerlanneqartuni imaluunniit ingerlanneqartussani, pisuni tamani ataasiakkaani inuiaassutsimut aamma nalunaarsuinnermut meqqit angissusaat aamma inissinneqarnerat Trafikstyrelsenip akuersissutigissavaa, aamma tak. uani BL-imi immikkoortoq 7.

6.4. Silaannakkut angallatit silaannarmiit oqinnerit

Inuiaassutsimut aamma nalunaarsuinnermut meqqit minnerpaamik 50 cm-iussapput.

6.5. Silaannakkut angallatit silaannarmiit oqimaannerit

6.5.1. Sulunni inuiaassutsimut aamma nalunaarsuinnermut meqqit portussusaat minnerpaamik 50 cm-iussaaq.

6.5.2. Fuselagemi, halebommemi aamma halefladeni/motoorit matuini makittarissuni meqqit portussusaat minnerpaamik 30 cm-iussaaq.

6.6. Oqaluttuarisaanermi silaannakkut angallatit

6.6.1. Oqaluttuarisaanermi ilanngussamik I-silaannakkut angallatit aamma taamaattunik assilisanik, imatut qalipanneqarsimasunik, timmisartup aalajangersimasup siullerpaamik qalipanneranik ilaarsinissaq naatsorsuutigalugu, qinnuteqartoqareerneratigut akuersissutigineqarsinnaavoq, ataatungaani qalipaaneq ilanngunneqassanngitsoq.

6.6.2. Oqaluttuarisaanermi ilanngussamik I-silaannakkut angallatit aamma taamaattunik assilisanik, imatut qalipanneqarsimasunik, timmisartup aalajangersimasup siullerpaamik qalipanneranik ilaarsinissaq naatsorsuutigalugu, qinnuteqartoqareerneratigut akuersissutigineqarsinnaavoq, fuselagemi, halebommemi aammalu halefladeni/motoorit matuini makittarissuni meqqiliineq minnerpaamik 15 cm-inik portussuseqassasoq.

6.6.3. Imm. 6.6.1. aamma 6.6.2. malillugit akuersissummik qinnuteqaat tulluuttunik imaqassaaq:

- a. Inuiaassutsimut aamma nalunaarsuinnermut mikinerusunik meqqiliinissamik kissaateqarnermut tunngavilersuutit.
- b. Silaannakkut angallatip qanoq ittuunera pillugu paasissutissat, tassunga ilagitillugu nalunaarsuinissamut tunngavik.
- c. Oqaluttuarisaanerup pingaaruteqassusaanut aamma siullerpaamik qalipannertalersuisimanermut uppersaasatit.

6.6.4. Imm. 6.6.1. aamma 6.6.2. malillugit akuersissutit taamaallaat ukununga tunniunneqarsinnaapput:

- a. silaannakkut angallatit, MTOM-iata 2.730 kg-t qaanginnikkaat,
- b. inaarutaasumik danskit Nationalitetsregister-ianni nalunaarsorneqartut, imaluunniit timmisinnaanermut uppersaammik/nuna tamakkerlugu timmisinnaanermut uppersaammik il. il. atulersitseqqinnissaq pillugu qinnuteqaat kiisalu allagaatit tassunga tunngasut tiguneqarsimallutik aammalu uppersarneqarlutik, aamma
- c. silaannakkut angallat nunami timminissamut akuersissut, taamaallaat sumiiffimmi danskit oqartussaaffigisaanni timminissamut pisinnaatitsisoq, atorlugu ingerlanneqarpoq imaluunniit ingerlanneqassaaq.

7. Inuiaassutsimut aamma nalunaarsuinnermut meqqinut nalunaaqutit

- 7.1. Naqinnerit latinerit naqinnerissavaat angisuut, aamma pinnerisaateqassanngillat, tak. uunga BL-mut Ilanngussaq 1. Sivingassutsip 30°-t qaangissanngilaa.
- 7.2. Naqinnerit tamarmik silissusaat naqinneq I minillugu, aamma kittoraateeqqat takissusaat naqinnerup portussusaata pingajorarterutaata aapparissavaa, tak. unga BL-mut Ilanngussaq 1.
- 7.3. Nalunaaqutit aamma kittoraateeqqat titarnerit erseqqissut atorlugit ilusilersorneqassapput, aammalu qalipaateqassallutik, tunuliaquttamut sanilliullugu immikkoortikkuminartumik. Titarnerit nalunaaqutit portussusaata arfinilerarterutaasa siulliannik silissuseqassapput, tak. unga BL-mut Ilanngussaq 1.
- 7.4. Nalunaaqut nalunaaqutamik siulliusumit imaluunniit tulliusumik avissaangatinneqassaaq, akunneqarluni nalunaaqutit silissusaata sisamararterutaata siulliannit naannerunngitsumik silissuseqartumik, tak. uunga BL-mut Ilanngussaq 1. Tamatumani kittoraateeraq nalunaaqutitut isigineqarpoq.

8. Suussutsimut pladi

- 8.1. Silaannakkut angallat sunaluunniit suussutsimut pladeqassaaq, silaannakkut angallatit inuiaassutsimut aamma nalunaarsuinnermut meqqiinik, inuiaassutsimut aamma nalunaarsuinnermut taaguutinik imaluunniit suussutsimut normuanik kigartorlugit allaffigineqarsimasumik. Suussutsimut pladi sisammik manngertorniuitsumik sanaajussaaq aamma isertarfiup pingaarnerusup eqqaani nuisasumi aalajangerlugu ikkunneqarsimassalluni.

8.1.1. Ballonini suussutsimut pladi nyttelastanordningen-ip silataani nuisasumi ikkunneqassaaq.

9. Akisussaaneq

- 9.1. Piginnittup akisussaaffigaa inuiaassutsimut aamma nalunaarsuinnermut meqqit uani BL-mi piumasaqaatit qaqugukkulluunniit naammassissagaat.
- 9.2. Piginnittup silaannakkut angallammut akisussaaffik atuisumut tunniussimappagu, taassuma akisussaaffigaa inuiaassutsimut aamma nalunaarsuinnermut meqqit uani BL-mi piumasaqaatit qaqugukkulluunniit naammassissagaat.
- 9.3. Silaannakkut angallammut chef-ip akisussaaffigaa, meqqit eqqiluutsuunissaat aamma erseqqissuunissaat sunaluunniit timminissaq sioqqullugu.

10. Immikkut akuersissuteqarneq

Trafikstyrelseni pisuni immikkut ittuni uani BL-mi aalajangersakkanik saneqqussisinnaavoq, naatsorsuutigineqarpat mianerinninnerit aalajangersakkanut tunngaviusunut naleqquttuusut, tassunga ilagitillugit susassa qarfimmi nunat tamalaanut malittarisassat.

11. Maalaaruteqarsinnaaneq

BL una malillugu aalajangiinnerit Trafikstyrelsenimit aalangerneqartut transportministerimut imaluunniit allamut allaffissornikkut oqartussa qarfimmut tunniunneqarsinnaanngillat, tak. Trafikstyrelsenip suliassai aamma piginnaatitaaneri, maalaaruteqarsinnaaneq aamma Trafikstyrelsenip maleruaqqusaata ilaanik saqqummiussineq pillugit nalunaarut.

12. Pillaatissatut aalajangersakkat

- 12.1. Imm. 4.1.-miit 8.1.1.-mut aalajangersakkanik unioqqutitsinerit akiligassinneqarnikkut pillarneqaataassapput.
- 12.2. Ingerlatseqatigiiffiit il. il. (inuit inatsisitigut pisinnaatitaasut pisussa atitaasullu) pillaasarnermik inatsimmi kapitali 5-imi malittarisassat malillugit akisussa atillugit pillaatisineqarsinnaapput.

13. Atuutilersitsineq aamma ikaarsaariarnermut aalajangersakkat


- 13.1. BL una ulloq 1. juli 2025 atuutilersinneqassaaq.
- 13.2. Silaannakkut angallatinut inuiaassutsimut aamma nalunaarsuinnermut meqqit il. il. pillugit BL 1-23, saqqummersitaq 1., 1. september 1987-imeersoq atorunnaarsinneqarpoq.
- 13.3. Silaannakkut angallatit oqitsunnguit, uuma BL-ip atuutilersinneqarnerani BL 9-6 aamma BL 9-12 naapertorlugit nalunaarsorneqareernikuusut, ulloq 1. juli 2029 nallertinnagu suussutsimut pladimik sisammik manngertorniuitsumik sanaamik ikkussiffigineqassapput.

Trafikstyrelseni, ulloq 5. maj 2025

Nanna Møller

/Michael Dela

Bilag 1 til BL 1-23



M = mellemrum = fra $\frac{H}{6}$ til $\frac{H}{4}$

Alternativ for bogstaver/tal som normalt indeholder krumme linier.

Øvrige bogstaver/tal der kan komme på tale.

D E F G H I J K

L M N P R S T

U W V X Z

2 3 4 5 6 7 8 9